

## **“Parketarrak”, euskaraz jolasean aritzeko ekimena 17 auzotan antolatuko da martxoaren 6tik 24ra**

Donostiako Udaleko Euskara Zerbitzuaren eta auzoetan antolaturiko euskara batzordeen elkarlanaren ondorioz, “Parketarrak” izeneko egitasmoa Donostiako hamazazpi auzotan antolatuko da martxoan. Lehen saioak martxoaren 6an hasiko dira Morlansen, Txomin-enean, Añorgan eta Altzan. Hortik aurrera, martxoaren 24ra arte, hiriko auzoetako hainbat parke eta plazetan euskaraz jolasean aritzeko aukera eskainiko da doan.

“Parketarrak” ekimenaren **helburu nagusia haurrak kalean eta parkeetan jolasean ari direnean euskara erabiltzea da.** Egitasmo hau bi programatan banatuta dago: bata, Zabuzibu, 3-5 urte bitarteko haurrentzat eta beraien familientzat antolaturikoa eta, bestea, Txirrintxon, 6-9 urte bitarteko haurrentzat.

### **Pasa den urtean 2.132 hurrek eta 481 gurasok parte hartu zuten**

2022an antolatutako saioek harrera ona izan zuten: 2.132 hurrek eta 481 gurasok parte hartu zuten eta guztira, 296 saio antolatu ziren. Saioetan parte hartu zuten gurasoek oso ondo balioetsi dute ekimena. Kalean eta parkean jolasteko ohiturari eustea garrantzitsua iruditzen zaie eta beste jolas batzuetan aritzeko aukera izatea ere bai. Gainera, kalean euskaraz jolasteko ohitura sustatzearen aldekoak dira.

Aurten, egitasmoa 17 auzotan egingo da: Gros, Antigua, Altza, Añorga, Bidebieta, Igeldo, Loiolako Erriberak, Txomin-enea, Martutene, Amara, Amara Berri, Parte Zaharra, Egia, Aiete, Morlans, Ibaeta eta Intxaurren. Donostiako auzo gehienetan euskara batzordeak sortuta daude eta plangintza bat aurrera eramaten ari dira euskara sustatzeko auzoan bertan. Plangintza horien helburuetako bat euskara aisialdi eremuetan erabiltzea da eta horretarako “Parketarrak” ekimena oso eraginkorra dela ikusi dute Udaleko Euskara Zerbitzuak eta auzoetako euskara batzordeek.

Auzo guztietako egitaraua zehaztuta dago hurrengo orrialdean:

# Prensa Oharra

AUZOA	DATA	ORDUA-ADINA	LEKUA
<b>Altza</b>	Martxoak 6, 13 eta 20 (astelehena)	3-5 urte: 17:00 6-9 urte: 18:00	Casares kultur etxe parean (euriarekin kultur etxe barruan)
<b>Morlans</b>	Martxoak 6, 13 eta 20 (astelehena)	3-5 urte: 17:30 6-9 urte: 17:30	Leire plaza
<b>Txomin-enea</b>	Martxoak 6, 13 eta 20 (astelehena)	3-5 urte: 17:00	Arteleku plaza
<b>Añorga</b>	Martxoak 6, 13 eta 20 (astelehena)	3-5 urte: 17:00	Amassorain ikastola
<b>Loiolako Erriberak</b>	Martxoak 7, 14 eta 21 (asteartea)	3-5 urte: 17:30 6-9 urte: 17:30	Santiago Plaza Maria Zanbrano plaza
<b>Egia</b>	Martxoak 7, 14 eta 21 (asteartea)	3-5 urte: 17:30 6-9 urte: 17:30	Martin Santos plaza
<b>Martutene</b>	Martxoak 7, 14 eta 21 (asteartea)	3-5 urte: 17:00 6-9 urte: 18:00	Martuteneko parkea, ikastola ondoan
<b>Parte Zaharra</b>	Martxoak 8, 15 eta 22 (asteazkena)	3-5 urte: 17:00 6-9 urte: 17:00	Zuloaga plaza
<b>Antigua</b>	Martxoak 8, 15 eta 22 (asteazkena)	3-5 urte: 17:15 6-9 urte: 18:15	Mikel Laboa plaza
<b>Herrera</b>	Martxoak 8, 15 eta 22 (asteazkena)	3-5 urte: 17:00 6-9 urte: 18:00	San Luis Gonzaga plaza
<b>Amara</b>	Martxoak 9, 16 eta 23 (osteguna)	3-5 urte: 17:00 6-9 urte: 18:00	Araba Parkea (euriarekin Sahatsaren plaza)
<b>Amara Berri</b>	Martxoak 9, 16 eta 23 (osteguna)	3-5 urte: 17:00 6-9 urte: 17:00	Ferrerias plaza, Olaeta kalea
<b>Gros</b>	Martxoak 9, 16 eta 23 (osteguna)	3-5 urte: 17:00 6-9 urte: 18:00	Nafarroa Beherea plaza
<b>Ibaeta</b>	Martxoak 10, 17 eta 24 (ostirala)	3-5 urte: 17:30 6-9 urte: 17:30	Karlos Santamaria plaza
<b>Igeldo</b>	Martxoak 10, 17 eta 24 (ostirala)	6-9 urte: 17:45	Herriko plaza
<b>Aiete</b>	Martxoak 10, 17 eta 24 (ostirala)	3-5 urte: 17:00 6-9 urte: 17:00	Hiru Damatxo plaza
<b>Gros</b>	Martxoak 10, 17 eta 24 (ostirala)	3-5 urte: 17:00 6-9 urte: 18:00	Katalunia Plaza
<b>Intxaurreondo</b>	Martxoak 10, 17 eta 24 (ostirala)	3-5 urte: 17:30 6-9 urte: 18:30	Bernart Etxepare plaza (euriarekin Intx patioan)